

দিলীপ কুমার কোনার

জল

জলের কাজ কি জীবনের কথা বলা ?
সুগভীর জল কেন তুমি চেয়েছিলে ?
জানে না কি জল এতটুকু ছলাকলা
গূঢ় গভীরতা আশ্রয় কেউ নিলে ?

হাতছানি দেবে হয়তো-বা বারেবারে
জলের গভীরে আকাশের নীল ছায়া,
ছন্দের দোলা লাগাবে ঢেউয়ের ঠারে
ঘন কালো জলে মোহময় মেঘ - মায়া।

তুমি হতে চাও তৃষিতা জলের ঢেউ —
ভেবেছ কি তার কতটা করুণা, ক্ষমা?
পার হতে যদি না ডাকে তোমারে কেউ
জলের সোহাগে ভুলো নাকো, অনুপমা

যদি

কেউ চেনে পাখিদের মন ;
কেউ করে ফুলের বাগান ;
ছুঁয়ে ছুঁয়ে অরন্য গহন
কারো ফোটে জীবনের গান ।
এককণা প্রেম দাও যদি
গভীর হৃদয়ে হব নদী ॥